

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCXXIII.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCXXIII.

RUPERTI IMP. PRIVILEGIUM DE NUNDINIS OPPIDO
LOERRACO CONCESSIS.

A N N O M C C C C I I I .

Ex Archivo Badensi.

Wir RUPRECHT von Gottes Gnaden, Römischer König, zu allen Zytten Mehrer des Reichs, bekennen vnd tun kund öffentlich mit diesem Briefe allen den, die Ihn sehent oder horent lesen, das wir umb flissiger Bete Willen des Edlen, vnfers lieben getrüwen Rudolfs, Marggrafen zu Hochberg, genant von Röteln vnd von Sussenberg vnd auch umb getrüwe vnd gnehme Dienste, die Er vns vnd dem Reiche getan hat vnd noch tun sol vnd mag in künftigen Zytten vnd auch umb des Voigts vnd der Gemeinde zu Lörrach bete willen mit wolbedachtem Mute vnd rechter Wissen, denselben Voigte vnd Gemeinden zu Lörrach herleubt vnd gegonnet haben, Erleuben vnd gunnen Ihnen in Kraft dis Briefs vnd Römischer Kuniglicher Mechte, das Sie einen Jahrmarckt vnd Jahrtag, jährlich vf den nechsten Mitwochen vor Sanct Michaels tag und darzu einen Wochenmarckt by In zu Lörrach mit Namen alle Mitwochen haben und halten sollen und mögen, immer, ewiglichen, vnd sollent auch alle vnd jegliche, sie syn Arme oder Reiche, die dieselben Jahre Marckt und Wochenmarckt suchen, dar, und dannen allzyt, so sie die suchen, in Unserm vnd des Heiligen

Richs Schirme vnd Geleit sin ohne alle Gefärde vnd Gebieten darumb allen vnd jeglichen Fürsten, geistlichen vnd weltlichen, Graven, Freyen, Herrn, Dienstlütten, Rittern vnd Knechten, Gemeinschäften der Stätte, Märckte und Dörfere vnd fast allen andern vnfern vnd des Richs Untertanen vnd getreuwen ernstlichen vnd vestiglichen mit diesem Brieffe, das Sie die obgenanten Voigt vnd Gemeinde an den obgedachten vnfern Gnaden nicht hindern noch irren in dheinerley Wyfse, fundern Sie daby geruwetlic beliben lassen und auch handhaben, schützen und schirmen, als lieb In sy vnser vnd des Richs schwehre Vngnade zu vermyden, mit Vrkund diss Brieffs versigelt mit vnser Königlichen Majestät Ingesigelt. Geben zu Nuremberg, vf den nechsten Frytag nach Sanct Paulstag als er bekehret ward, in dem Iahre als man zalte nach Christi Geburte vierzehenhundert vnd drey Iare, vnser Richs in dem dritten Iare.

(L.S.)